

Timersorneq timigissarnerlu pillugit Inatsisartut inatsisaata allanngortinneqarnera pillugu Inatsisartut inatsisissaattut siunnersuut

(Meeqqanut, Inuusuttunut, Ilaqutariinnut, Nunamut Namminermut, Ilinniartitaanermut, Kultureqarnermut, Timersornermut Ilageeqarnermullu Naalakkersuisoq)

Saqqummiussissut**Siullermeerneqarnera**

Timersorneq timigissarnerlu pillugit Inatsisartut inatsisaata allanngortinneqarnera pillugu Inatsisartut inatsisissaattut siunnersuut matumuuna Naalakkersuisut sinnerlugit saqqummiuppara.

Siunnersuut suliarineqarpoq ilaatigut Naalakkersuisut E-sportip timersuutitut akuerisaanissaanut kissaataat tunuliaqutaralugu. Tassunga tunuliaqutaavoq e-sportip ingerlaavartumik ineriartornera takuneqarsinnaammat, aamma nunatsinni. Aamma E-sport nunani arlalinni timersuutitut akuerisaavoq, kiisalu Nunat tamalaat akornanni Olympiske Komitép aalajangiuppaa 2027-mi Olympic Esports Games-ertoqassasoq.

Qarasarsorluni unammiaaernerit ilanngunneqarsimapput, qarasarsorluni unammiaaernerit nunarpassuarni timersornertut akuerisaammat, qarasarsorlunilu unammiaaernerit ilaat (skak aamma bridge) Nunat tamalaat akornanni Olympiske Komité-mit timersuutitut akuerisaallutik. Qarasarsorluni unammiaaernerit timersuutitut akuerineqarnissaat aamma pissusissamisoortuusoq Naalakkersuisut isumaqarput.

Aalajangersimasumik siunnersuutigineqarpoq unammissutitut timersorneq pillugu nassuiaatip allanngortinnissaa, taamaalilluni erseqqissarneqarluni unammissutitut timersorneq timikkut, qarasarsornikkut elektroniskitigullu unammissutaasut nassuiarneqarlutik. E-sportip qarasarsorlunilu unammiaaernerit immikkuullarissutaat tassaapput unammissutitaqarmata, taamaammallu unammissutitut timersornermi E-sport qarasarsorlunilu unammiaaarnernut taamaallaat attuumassuteqarlutik.

Siunnersuummi aamma Nakorsaatit Pissassaatitut Atorneqartarnerinut Kalaallit Nunaanni Akiuisunut allattoqarfimmik Naalakkersuisut ikiuissasut siunnersuutigineqarpoq. Maanna Kalaallit Nunaanni Timersoqatigiit Kattuffiat Nakorsaatit Pissassaatitut Atorneqarnerinut Kalaallit Nunaanni Akiuisunut allattoqarfimmik ikiupput. Kalaallit Nunaanni Timersoqatigiit Kattuffiat timersortartunut peqatigiiffiuvoq. Nakorsaatit Pissassaatitut Atorneqarnerinut Kalaallit Nunaanni Akiuisut arlaannaannulluunniit naak attuumassuteqanngikkaluartut Kalaallillu Nunaanni Timersortartut Kattuffia suliassaannit avissaaqqagaluartunik pissassaatinik akiuiniarnermut ataqatigiissaarisut, allattoqarfiup Kalaallit Nunaanni Timersortartut Kattuffiannit avissartillugu nukittorsarneqartariaqarput, taamaalillunilu tamanut soqutigisanik aporaattoqannginnera takutillugu. Nakorsaatit Pissassaatitut Atorneqarnerinut Kalaallit Nunaanni Akiuisunut immikkut allattoqarfiliornikkut siunnersuutikkut qulakkeerneqassaaq allattoqarfiup arlaannaannulluunniit attuumassuteqannginnissaa.

Taamatut oqaaseqarlunga siunnersuut Inatsisartunut suliarineqartussanngorlugu tunniuppara.